

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 02 - 6119/25
Tuzla, 07.03.2025. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 07.03.2025. godine, donosi

ODLUKU
o utvrđivanju prijedloga Zakona

I

Utvrđuje se prijedlog Zakona o dopunama Zakona o visokom obrazovanju.

II

Prijedlog Zakona iz tačke I ove Odluke uputit će se Skupštini Tuzlanskog kantona na razmatranje i donošenje po skraćenom postupku.

III

Odluka stupa na snagu danom donošenja.

DOSTAVITI:

- 1 x Skupštini Tuzlanskog kantona
- 1 x Ministarstvu obrazovanja i nauke
- 1 x Evidenciji
- 1 x a/a



PREMIJER KANTONA

Irfan Halilagić

BOSNA I HERCEGOVINA
Federacija Bosne i Hercegovine
TUZLANSKI KANTON
VLADA

-PRIJEDLOG-

ZAKON
o dopunama Zakona o visokom obrazovanju

Tuzla, mart 2025. godine

Na osnovu člana 24. stav 1. tačka c) Ustava Tuzlanskog kantona (“Službene novine Tuzlansko-podrinjskog kantona”, br. 7/97, 3/99 i “Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici od _____. godine, donosi

Z A K O N

O DOPUNAMA ZAKONA O VISOKOM OBRAZOVANJU

Član 1.

U Zakonu o visokom obrazovanju – prečišćeni tekst („Službene novine Tuzlanskog kantona“, br. 21/21, 22/21, 5/22, 11/22 i 16/22), u članu 106. iza stava (11) dodaju se novi stavovi (12) i (13) koji glase:

„(12) Osnivač visokoškolske ustanove može refundirati troškove prijevoza studenata.

(13) Za visokoškolsku ustanovu čiji je osnivač Skupština Kantona refundiranje troškova prijevoza studenata vrši se putem visokoškolske ustanove a u skladu sa posebnom odlukom koju donosi Vlada Kantona.“.

Član 2.

(Stupanje na snagu)

Ovaj Zakon stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
SKUPŠTINA

PREDSJEDNIK

Žarko Vujović

Broj: _____
Tuzla, _____

OBRAZLOŽENJE

Prijedloga Zakona o dopunama Zakona o visokom obrazovanju

I – PRAVNI OSNOV ZA DONOŠENJE ZAKONA

Pravni osnov za donošenje ovog Zakona sadržan je u poglavlju IV 2. član 24. c) Ustava Tuzlanskog kantona („Službene novine TPK“, broj: 7/97 i 3/99 i „Službene novine TK“, broj: 13/99, 10/00, 14/02, 6/04 i 10/04), kojim je utvrđeno da Skupština Tuzlanskog kantona donosi zakone i ostale propise neophodne za izvršavanje nadležnosti Kantona.

II – RAZLOZI ZA DONOŠENJE ZAKONA

Tačkom IV Zaključka Vlade Tuzlanskog kantona, broj: 02/1-23-1559-5/25 od 19.02.2025. godine, Ministarstvo obrazovanja i nauke Tuzlanskog kantona zaduženo je da u što kraćem roku dostavi prijedloge izmjena i dopuna važećih propisa kojim bi se na odgovarajući način omogućio pravni osnov za obezbjeđenje refundacije dijela troškova prijevoza za učenike srednjih škola i studente na području Tuzlanskog kantona koji za dolazak u školu/fakultet koriste usluge javnog linijskog prijevoza putnika u 2025. godini, a sve obzirom na uočeno stanje u oblasti javnog linijskog prijevoza putnika na području Tuzlanskog kantona.

III – OBRAZLOŽENJE POJEDINIHZAKONSKIH RJEŠENJA

Članom 1. predviđa se mogućnost refundiranja troškova prijevoza studenata od strane osnivača viokoškolske ustanove.

Članom 2. propisan je dan stupanja na snagu ovog zakona.

IV – FINANSIJSKA SREDSTVA

Usvajanje Zakona o dopunama Zakona o visokom obrazovanju neće zahtijevati dodatna finansijska sredstva u Budžetu Tuzlanskog kantona.

V- PRIJEDLOG

Na osnovu izloženog predlažemo Skupštini Tuzlanskog kantona da po skraćenom postuku, shodno odredbama člana 149. Poslovnika Skupštine Tuzlanskog kantona, uvrsti utvrđeni prijedlog Zakona o dopunama Zakona o visokom obrazovanju, na prvu narednu sjednicu Skupštine Tuzlanskog kantona, obzirom da se radi o zakonu koji nije složen i obiman a čije donošenje je potrebno kako bi se uredilo pitanje refundiranja dijela troškova prijevoza za student. Naime, kako je na području Tuzlanskog kantona došlo do naglog rasta cijena karata u javnom linijskom prijevozu putnika, a čiji korisnici su velikim dijelom učenici i studenti, postoji potreba da se obezbjedi pravni osnov koji će omogućiti intervenciju Vlade Tuzlanskog kantona u smislu refundiranja dijela troškova prijevoza za navedene kategorije.

**PREDLAGAČ
VLADA TUZLANSKOG KANTONA**

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	NAZIV
Razdjel	24010018	Ministarstvo obrazovanja i nauke Tuzlanskog kantona

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o dopunama Zakona o visokom obrazovanju					

C 3. Izjava o nepostojanju dodatnih fiskalnih efekata predloženog propisa

Donošenje Zakona o dopunama Zakona o visokom obrazovanju nema i neće rezultirati dodatnim finansijskim učinkom na planirana sredstva u Budžetu Tuzlanskog kantona.

D 4. Pečat i potpis odgovornog lica obrađivača, odnosno predlagača propisa

Mjesto i datum

06.03.2025. godine

